



Broj: 06-1-07-5-866-1/18

Sarajevo, 10.9.2018. godine

Izborna komisija osnovne izborne jedinice-svi

Načelnik/gradonačelnik općine/grada-svi

PREDMET: Primjena člana 2.1 stav (3) i člana 2.19 stav (11) Izbornog zakona Bosne i Hercegovine

Centralnoj izbornoj komisiji BiH se, u postupku unosa podataka u Aplikaciju za unos podataka o imenovanim članovima biračkih odbora, obratio određeni broj izbornih komisija osnovne izborne jedinice sa zahtjevom za uputu u vezi sa načinom zamjene imenovanog člana biračkog odbora koji, zbog neispunjavanja uslova iz člana 2.3 Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), a koje provjere su omogućene predmetnom aplikacijom, ne zadovoljava uslove za imenovanje na dužnost u članstvu biračkih odbora.

S tim u vezi, podsjećamo da su rokovi i procedura za imenovanje članova biračkih odbora propisani odredbama člana 2.19 stav (10) i (11) i isti su okončani za Opće izbore 2018. godine, a kojim odredbama je, između ostalog, predviđeno da će, u slučaju da je broj kandidata za članove biračkog odbora koje je predložila ovjerena politička stranka manji od broja članova biračkog odbora, općinska izborna komisija samostalno imenovati članove biračkog odbora, vodeći računa o multietničkom sastavu biračkog odbora, gdje je to moguće.

U slučaju da u evidenciji općinske/gradske izborne komisije ne postoji dovoljan broj kandidata za popunu članova biračkih odbora, podsjećamo na izričitu odredbu člana 2.1 stav (3) Izbornog zakona BiH, kojom je propisano da su svi organi vlasti na svim nivoima i zvaničnici u Bosni i Hercegovini i diplomatsko-konzularnim predstavništvima BiH obavezni pomagati organima nadležnim za provedbu izbora.

U skladu s navedenom odredbom Izbornog zakona BiH, u slučaju navedene situacije da ne postoji dovoljan broj osoba u evidenciji izborne komisije za popunu mjesta u biračkim odborima, potrebno je da predsjednik izborne komisije odmah dostavi zahtjev načelniku/gradonačelniku za pomoć u mobiliziranju administrativnog osoblja općine/grada, odnosno npr. državnih službenika i uposlenika u administraciji općine, civilne zaštite, vatrogasnih društava, obdaništa, osnovnih i srednjih škola, fakulteta i univerziteta, itd. Istu pomoć može zatražiti od kantonalnih, entitetskih ili državnih institucija (obraćajući se zahtjevom prema rukovodiocima tih institucija).

Naknada za angažman tih službenika na dan izbora vrši se u skladu sa Odlukom Centralne izborne komisije BiH o visini naknade za rad biračkih odbora u Bosni i Hercegovini na provođenju Općih izbora 2018. godine, iz budžeta institucija i međunarodnih obaveza BiH. Međutim, načelnik/gradonačelnik, ministar ili drugi rukovodilac može odlučiti da taj dan bude radni za angažirane službenike, te da im se navedeni rad isplati kao prekovremeni rad.

Podsjećamo da izborni proces u BiH nije "vlasništvo" samo Centralne izborne komisije BiH i izbornih komisija osnovnih izbornih jedinica u BiH, nego je to obaveza svih državnih institucija i zvaničnika na svim nivoima, kako je to Zakonom propisano.

S poštovanjem,

Dostavljeno:

-naslovu,

-a/a,

-internet-stranica CIK BiH



Predsjednica

Dr. Irena Hadžiabdić